


TXHUA TUS TUB NTXHAIS KAWM NTAWV HAUV SPPS YUAV TAU TXAIS IB LUB IPAD COJ MUS SIV: YAM KOJ YUAV TSUM PAUB

PHAU NTAWV QHIA RAU COV TUB NTXHAIS KAWM NTAWV THIAB TSEV NEED



ROOJ HAU LUS

Lus Pib	4	Duab, Cov Khoom Siv (Content) thiab Ntaub Ntawv (Data)	11
Kev Kawm Raws Tus Kheej Lub Peev Xwm yog dab tsi?	4	Koob yees duab thiab lub txais suab	11
Vim li cas ho muab iPad rau txhua tus tub ntxhais kawm ntawv?	4	Suab, suab paj nruas thiab games	11
Tej Yam Yuav Tsum Paub Txog iPad	5	Tej Yam Yuav Tsum Ua Thaum Siv Lub iPad	12
Dab tsi ua rau lub iPad ua hauj lwm?	5	Rau cov tub ntxhais kawm ntawv	12
Cov hlua ntxig hluav taws xob (cables thiab cord)	5	Yuav tsum txawj siv	12
Puas muaj ib lub plhaub los nrog lub iPad?	5	Tus cwj pwm uas siv tsis tau thiab kev siv	12
Kuv yuav txuag lub iPad daim iav li cas?	5	Rau cov niam txiv thiab saib xyuas	13
Thaum kuv tsis siv lub iPad lawm kuv yuav muab khaws cia li cas?	6	Pub siv txij twg xwb	13
Thaum huab cua phem, kuv yuav coj lub iPad li cas?	6	Tswj thiab pub siv thaum twg xwb	13
Cia Lub iPad Kom Muaj Kev Ruaj Ntseg	7	Lim tej qhov uas yuav nkag mus	13
Lub iPad puas ruaj ntseg rau tom tsev kawm ntawv?	7	Tswj tub ntxhais kawm ntawv txoj kev kawm	13
Tej ntaub ntawv hauv iPad puas ruaj ntseg?	7	iPads, Lub Plhaub Thiab Cov Hlua Ntxig Hluav Taws Xob Piam, Pawv Los Sis Raug Nyiag	14
Kev Siv Lub iPad Tom Tsev Kawm Ntawv	8	Apple Care+	14
Lub roj puas puv ntoob?	8	ipads, lub plhaub, txoj hlua thiab lub pob ntxig hluav taws xob piam thiab tsis ua hauj lwm	14
Kuv yuav ceev kuv tej ntaub ntawv tseg li cas rau hauv iPad?	8	ipad, lub plhaub, txoj hlua thiab lub pob ntxig hluav taws xob pawv los sis raug nyiag lawm	14
Kuv puas luam tau hauv lub iPad no mus?	8	Lub Txim Rau Qhov Coj Tus Cwj Pwm Uas Siv Tsis Tau Thaum Siv iPad	15
Thaum muab lub iPad mus kho lawd yuav ua li cas?	8	Lub Txim Ua iPad Pawv, Raug Nyiag, los sis Txhob Txwm Ua Piam	16
Kuv twb muaj ib lub iPad lawm. Kuv puas yuav tsum siv tsev kawm ntawv lub?	9	Lub Txim Rau Qhov Tsis Xa Lub iPad, Lub Plhaub, Txoj Hlua thiab Lub Pob Ntxig Hluav Taws Xob Rov Qab, los sis Xa Rov Qab Tiam Sis Piam Lawm	16
iPads thiab kev tawm mus kawm sab nraud	9	Tsoom Fwv Tsev Kawm Ntawv Nroog Xees Phos Cov Tub Ntxhais Kawm Ntawv Daim Ntawv Yeem Lus Siv Technology	17
Kev Siv Lub iPad Tom Tsev	9	Lwm Yam Kev Pab Cuam	19
Cov Apps Hauv Lub iPad	9	Koog tsev kawm ntawv txoj cai hais txog kev siv technology	19
Kuv tso tau cov apps twg rau kuv lub iPad?	9	Cov chaw pab cuam tawm tswv yim	19
SPPS App Store: yuav xaiv cov apps li cas rau tub ntxhais kawm ntawv siv?	10		
Kho cov softwa re thiab kab ke ua hauj lwm hauv lub iPad	10		
Cov khoom siv hauv lub iPad tsis muaj zais	10		
Tsis tau cai hloov tej kab ke ua hauj lwm; ua kws rau cov iPads	10		

LUS PIB

Peb muaj siab rau txoj kev muab iPad rau Tsoom Fwv Tsev Kawm Ntawv Nroog Xees Phos (SPPS) txhua tus tub ntxhais kawm ntawv. Peb ntseeg hais tias nyias muaj nyias ib lub iPad yog ib yam yuav pab kom peb cov tub ntxhais kawm ntawv kawm tau tej seem tshiab xyiv fab hlo. Tib lub sij hawm no, yuav ua rau cov tub ntxhais kawm ntawv txawj siv tej technology uas tseem ceeb rau txhua seem ntawm kev ua neej tam sim no.

Nej tus me nyuam lub iPad yuav qhib dua ib lub ntuj rau txoj kev kawm.

Kuj muab ib txoj num tseem ceeb tshiab rau nej thiab nej tus me nyuam thiab.

Nyob rau hauv cov phab ntawv ntxiv mus, peb yuav qhia nej txog nej tus me nyuam lub iPad, piav tias yuav txuag li cas, teb tej lus uas tej zaum nej thiab nej tus me nyuam muaj, thiab teev cov cai tseem ceeb txog kev siv lub iPad kom zoo.

KEV TXAIS LUB IPAD

Cov iPads yog Tsoom Fwv Tsev Kawm Ntawv Nroog Xees Phos ntiag tug. Yuav muab cov iPad qiv rau tub ntxhais kawm ntawv thaum pib kawm ntawv kom lawv tau siv thawm xyoo. Cov niam txiv los sis saib xyuas yuav tsum kos npe rau tub ntxhais kawm ntawv daim ntawv yeem lus siv technology no, uas yog ib daim ntawv yuav tsum tau leg kom tiav txhua xyoo nrog rau lwm yam ntaub ntawv tseem ceeb nyob rau hauv SPPS qhov iUpdate. Cov tub ntxhais kawm hauv them ob mas niam txiv yuav tsum kos npe rau daim ntawv yeem lus no tsis pub dhau lub Cuaj Hli tim 30 thiaj yuav tau nqa iPad coj mus siv tom tsev.

KEV XA LUB IPAD ROV QAB

Cov tub ntxhais uas tiav ntawv ua ntej, tawm, los sis tsis kawm ntawv hauv Tsoom Fwv Tsev Kawm Ntawv Nroog Xees Phos lawm yuav tsum xa koog tsev kawm ntawv lub iPad, lub hnab, txoj hlua txuas hluav taws xob, thiab txoj cable zoo log rov qab ua ntej los sis rau hnub uas nws tawm.

KEV Tsis KAM SIV IPAD (OPTING OUT)

Cov niam txiv/cov saib xyuas muaj cai thov kom txwv lawv tus me nyuam txoj kev siv iPad los sis lwm yam technology los ntawm Tsoom Fwv Tsev Kawm Ntawv Nroog Xees Phos. Cov niam txiv thiab cov saib xyuas yuav tau paub hais tias qhov uas lawv tsis pub me nyuam siv technology yuav khuam me nyuam txoj kev ua ntaub ntawv, thiab yuav khuam me nyuam txoj kev paub rau nws lub neej uas nyob hauv lub ntiaj teb uas niaj hnub siv tej twj no heev zuj zus. Yog xav paub txog kev thov tsis pub me nyuam siv technology, thov hu rau nej tus me nyuam lub tsev kawm ntawv los sis mus saib online hauv <http://it.spps.org/policies>.

KEV KAWM RAW S TUS KHEEJ LUB PEEV XWM YOG DAB TSI?

Kev kawm raws tus kheej lub peev xwm yog ib qho txheej txheem tshawb seb seem twg yuav ua rau txhua tus tub ntxhais kawm ntawv kawm tau zoo dua. Muaj tej tus tub ntxhais kawm ntawv yuav tsum hnov zaj lus qhia tshaj ib zaug. Muaj ib txhia yuav tau pom kiag zaj lus qhia. Tej zaum ib tug tub ntxhais kawm ntawv twb npaj txhij kawm rau cov nyuaj zog tom ntej lawm, tiam sis ib tug tseem yuav tau rov qab xyaum cov uas yooj yooj yim. Ib zaj lus qhia uas thooj li tub ntxhais kawm ntawv haiv neeg, kev lis kev cai los sis cov lus ua rau txoj kev kawm muaj lub ntsiab dua.

VIM LI CAS HO MUAB IPAD RAU TXHUA TUS TUB NTXHAI S KAWM NTAWV?

Lub iPad yog ib lub twj technology zoo heev uas ua tau ntau yam. Yog cov tub ntxhais kawm ntawv nyias muaj nyias ib lub iPad siv, lub iPad nov muaj peev xwm kho tau kom txoj kev kawm mus raws li nyias nyiam thiab seem uas nyias kawm tau zoo.

Cov iPads muaj lub koob yees duab, internet tsis txuas hlua, lub ntaus ntawv, thiab nkag tau rau txhua yam kev siv yooj yim hu ua “apps”. Lub iPad kuj muaj ntau yam dhos rau hauv kom ua rau txoj kev kawm yooj yim thiab txhua tus nyiam.

Tsis yuav nkag Internet tom tsev li. Txhua yam uas tub ntxhais kawm ntawv yuav siv lub iPad ua tom qab lawb ntawv muaj peev xwm rub tau los rau thaum lawv kawm ntawv lawm. Lub iPad yooj yim nqa thiab lub roj kav ntev heev, yog li yuav nyiam nyob qhov twg kawm los tau.

TEJ YAM YUAV TSUM PAUB TXOG LUB IPAD

Lub iPad yog ib lub computer me me uas muaj ib daim iav. iPads yog ib yam twj pab tau thiab khov heev – yog ua zoo txuag. Peb muaj ntau yam qhia rau nej txog kev siv thiab kev txuag lub iPad. Yog hais tias nej muaj lus nug, thov nyeem cov phab ntawv txuas ntxiv mus thiab hu rau nej lub tsev kawm ntawv.

DAB TSI UA RAU LUB IPAD UA HAUJ LWM?

Lub iPad muaj ib lub roj nyob sab hauv thiab coj mus sam tau ntxiv. Siv tib txoj hlua sam roj (Apple wall charger) uas los nrog nej lub iPad sam lub iPad xwb. Cov tub ntxhais kawm ntawv uas tau cai nqa lawv lub iPad mus siv tom tsev mas yuav tsum txuag lawv txoj hlua sam roj thiab lub pob ntxig hluav taws xob. Thawm lub xyoo kawm ntawv yuav xaus los sis thaum lawv yuav tawm tsev kawm ntawv, lawv yuav tsum xa txhua yam rov qab rau tsev kawm ntawv.

PUAS MUAJ LUB PLHAUB LOS NROG LUB IPAD?

Muaj. Muaj ib lub plhaub los nrog lub iPad rau koj tau ntim tiv thaiv lub iPad rau koj siv txhua hnuv. Thov muab lub iPad ntim rau hauv lub plhaub uas koog tsev kawm ntawv muab txhua lub sij hawm. Tsis txhob tev ib daim ntaub nplaum uas koog tsev kawm ntawv lo rau ntawm lub iPad los sis lub plhaub tawm li. Thiab, tsis txhob sau, kos duab, lo ntaub nplaum los sis ua ib yam dab tsi rau lub iPad los sis lub plhaub li.

Cov tub ntxhais kawm ntawv rau qib 6 txog qib 12 yuav tau txais ib lub plhaub uas muaj lub ntaus ntawv nrog. Lub ntaus ntawv no kuj hle tau kom yees duab yooj yim zog. Cov tub ntxhais kawm ntawv yuav tsum khaws lub ntaus ntawv cia nrog lub iPad txhua lub sij hawm, tshwj xeeb tshaj yog thaum muab khaws cia rau lub hnab ev ntawv.

Thaum tsis siv lub iPad, muab lub plhaub kaw kom lub roj kav ntev thiab tiv thaiv daim iav.

KUV YUAV TXUAG LUB IPAD DAIM IAV LI CAS?


Maj mam siv lub iPad, thiab tshwj xeeb yog daim iav. Tsis txhob:

- nias daim iav.
- teeb ntawv los sis tej yam hnyav rau saum lub iPad.
- muab lub iPad ua tsoo phab ntsa, qhov rooj, tib neeg los sis lwm yam khoom tawv.
- tso tej yam ua kua rau hauv lub hnab ev los sis lub hnab nqa uas lub iPad nyob hauv.
- siv tej yam ntse ntse chwv daim iav – ces nws kos daim iav lawm.
- siv cwj mem qhuav los sis cwj mem kua sau rau daim iav.
- ntsaws ib yam dab tsi rau hauv lub plhaub iPad, tsuas cia ntim lub iPad xwb.



Yuav tiv thaiv daim iav thaum koj taug kev hauv tej kem chav hauv tsev kawm ntawv, muab lub iPad nqa rau tom xub ntiag thiab tsis txhob mus phoom lwm tus tub ntxhais kawm ntawv.

Siv tej daim ntaub mos mos thiab huv huv uas tsis muaj plaub xws li tej ntaub so tais diav qhuav qhuav los so lub iPad xwb. Tsis txhob siv tshuaj ntxuav qhov rais, tshuaj ntxuav tsev ammonia, cawv, los sis tej tshuaj uas muaj cawv nyob hauv, los sis lwm yam tshuaj ntsim los so lub iPad. Cov tshuaj li no yuav ua rau lub iPad nti xim thiab/los sis kos daim iav. Thiab, tsis txhob siv cua tshuab lub qhov ntxig hlua me me ntawm lub iPad ib sab.



TXOJ HLUA THIAB LUB POB NTXIG HLUAV TAWS XOB

- Thov ceev faj thaum nej ntsaws txoj hlua cable rau nej lub iPad thiaj tsis piam
- Tsis txhob yuam txoj hlua cable rau lub iPad.
- Yuav tsum siv txoj hlua sam roj uas tsev kawm ntawv muab (Apple power adapter)
- los sam nej lub iPad nkaus xwb.
- Sau nej lub npe rau ntawm ib daim ntaub nplaum uas tev tau yooj yim thiab muab lo rau nej txoj hlua cable thiab lub pob ntxig hluav taws xob.
- Tsis txhob sau los sis kos tej yam lwm tsis tau rau ntawm txoj hlua cable thiab lub pob ntxig hluav taws xob.

TEJ YAM YUAV TSUM PAUB TXOG LUB IPAD

THAUM KUV TSI SIV LUB IPAD LAWM KUV YUAV MUAB KHAWS CIA LI CAS?



Cov tub ntxhais kawm ntawv nyob rau qib PreK txog qib 5 yuav muab lawv cov iPads cia rau cov laub los sis carts nyob rau hauv lawv chav kawm ntawv. Cov nyob qib 6 txog 12 yuav muab lawv cov iPads xauv cia rau hauv locker hauv tsev kawm ntawv rau lub caij uas tsis siv lawm. Thaum muab lub iPad xauv cia rau hauv locker, tsis txhob tso dab tsi tuaj saud. Yog nej lub xauv lub locker piam lawm, qhia rau cov neeg ua hauj lwm hauv tsev kawm ntawv chav ua dej num tam sim ntawd.

Cov tub ntxhais kawm ntawv uas koj tau lawv lub iPad mus tsev (cov nyob qib 6 txog 12) mas yuav tsum nqa lawv lub iPad mus tsev txhua hnuv tom qab lawv ntawv.

Tej twj siv hluav taws xob (iPads, xov tooj ntawm tes, thiab lwm yam) yuav tab kaum txoj kev tsaug zog yog siv ua ntej nce chaw pw. Yuav kom tsis txhob siv iPad thaum lig lawd los sis thaum tsis muaj tus pab tswj, cov neeg txawj ntse qhia hais tias kom tsev neeg muab tej twj hluav taws xob nov cia rau ib chav hauv tsev kom cov tub ntxhais kawm ntawv txawj koj los cia thiab muab sam roj rau.

THAUM HUAB CUA PHEM KUV YUAV COJ LUB IPAD LI CAS?

Tiv thaiv koj lub iPad kom zoo. Muab koj lub iPad ntim rau hauv nws lub plhaub txhua sij hawm kom tsis txhob kub, txias los yog noo. Yuav tsum cia lub iPad nyob hauv lub hnab ev los sis lub hnab nqa thaum tawm mus nraum zoov, muab lub ntaus ntawv dho rau thiab muab kaw rau. Thiab:

- Tsis txhob tso koj lub iPad rau tej qhov sov tshaj 95 F rov saud.
- Tsis txhob tso koj lub iPad rau tej qhov txias tshaj 32 F rov hauv.
- Tsis txhob tso koj lub iPad rau tej qhov muaj dej thiab noo noo heev.



CIA LUB IPAD KOM MUAJ CHAW RUAJ NTSEG

iPad yog ib lub twj muaj nqis uas kuj yuav raug nyiag. Yuav kom tsis muaj tej xwm txheej li nov:

- **TSIS TXHOB TSO LUB IPAD RAU NTAWM TEJ ES YUS TSIS SAIB.**
- Tsis txhob tseg los sis cia lub iPad rau hauv tsheb.
- Tsis txhob qiv lub iPad rau lwm tus. Koj lub luag hauj lwm yog yuav tsum txuag thiab saib xyuas kev ruaj ntseg ntawm koj lub iPad.
- Tsis txhob siv koj lub iPad los sis cia tawm npliv thaum tos npav los sis tsheb nqaj hlau; caij npav, xws li Metro Transit los sis tsheb nqaj hlau, los sis thaum taug kev hauv zej zos.
- Muab lub iPad ntim rau hauv hnab nqa los sis hnab ev thaum mus kawm ntawv thiab los tsev kom lwm tus tsis txhob pom.
- Yuav tsum muaj ib tug Passcode kom lwm tus nkag tsis tau mus saib koj tej ntaub ntawv hauv iPad. Txhob qhia koj tus Passcode rau leej twg.
- Txhua lub iPad muaj ib tug zauv cim thiab koog tsev kawm ntawv ib daim ntawv tswj. **Tsis txhob tev daim ntawv tawm los sis hloov cov zauv.**

LUB IPAD PUAS RUAJ NTSEG RAU TOM TSEV KAWM NTAWV?

Yuav kom tsis txhob muaj neeg nyiag, tsis txhob tso koj lub iPad rau tej qhov chaw ua tsis muaj neeg saib hauv tsev kawm ntawv. Tej chaw uas tsis muaj neeg saib yog xam tas nrho tej chaw kawm ntawv uas tsis liaj, chav liaj khoom, chav kawm computer, chav qiv ntawv/ua ntawv, chav noj sus, chav dej, hauv kem chav, los sis ib thaj tsam ntawm tsev kawm ntawv, thiab tom tiaj kis las los sis chaw ua si.

Txawm yog lub iPad nyob hauv hnab lawm los tsis txhob muab tso rau hauv av tsam tsuj raug ces piam lawm.

Cov tub ntxhais kawm ntawv nyob rau qib 6-12: yog nej tsis siv lub iPad rau hauv chav, los sis nej tus xib hwb hais tias kom tsis txhob coj mus hauv chav, nej yuav tau muab cia rau hauv nej lub locker thiab muab liaj. Tsis txhob cia lub iPad nyob hauv tej lub hnab uas tsis muaj neeg saib. Txhua lub sij hawm uas lub iPad tsis nyob ntawm nej, tom tsev los sis muab liaj rau hauv locker ces nws yeej muaj feem raug nyiag tau.

TEJ NTAUB NTAWV HAUV LUB IPAD PUAS RUAJ NTSEG?

Tej ntaub ntawv uas qhia txog koj xws li cov Apple ID, chaw nyob email, cov npe (usernames) thiab cov lo lus nkag (passwords) siv online thiab cov accounts yog cia rau tub ntxhais kawm ntawv siv xwb thiab tsis pub leej twg paub. Koj yuav tau ntxiv ib tug passcode rau koj lub iPad kom lwm tus nyiag nkag tsis tau rau hauv koj lub iPad thiab tej ntaub ntawv. Tsis txhob qhia koj lub npe (username) thiab lo lus nkag (password) rau leej twg thiab tsis txhob siv lwm tus lub npe thiab lo lus nkag li.



KEV SIV LUB IPAD HAUV TSEV KAWM NTAWV

Koj lub iPad yog muab rau koj siv kawm ntawv, yog li koj yuav tsum nqa mus kawm ntawv txhua hnuv thiab lub roj yuav tsum puv ntoob. Cov tub ntxhais kawm ntawv yuav tsum nqa lawv lub iPad mus hauv txhua chav kawm ntawv, tsuas ntshe tus xib hwb ho hais kom tsis txhob nqa xwb. Txawm tias lub iPad nyob tom tsev lawm los cov tub ntxhais kawm ntawv yuav tsum ua txhua yam ntawv kom tiav.

LUB ROJ PUAS PUV NTOOB?



Cov tub ntxhais kawm ntawv uas koj lub iPad mus tsev yuav tsum koj lub iPad rov mus tom tsev kawm ntawv nrog rau lub roj puv ntoob. Yog nej lub roj tsis puv, nej yuav tsis tau siv los kawm ua ub no hauv chav kawm ntawv.

KUV PUAS LUAM TAU HAUV LUB IPAD MUS?

Cov tub ntxhais kawm ntawv hauv Xees Phos siv kev tswj hwm kev kawm online thiab workflow systems los ceev thiab xa lawv tej ntaub ntawv los yog hauj lwm. Cov tub ntxhais kawm hauv tsev kawm ntawv them ob siv Schoology, thiab cov kawm hauv them qis siv Seesaw. Qhov Learning Management System (LMS) yog ib qho twj hauv internet uas pab cov xib hwb, tub ntxhais kawm ntawv thiab cov tsev neeg ceev ub no kom nyob muaj chaw thiab sib qhia txog txoj kev qhia thiab kev kawm. Qhov twj no yuav pab peb siv peb cov iPads kom ua tau hauj lwm zoo dua.

Rau tag nrho lwm yam ntaub ntawv, peb xav kom nej muab email rau nej tus kheej los sis muab khaws cia rau hauv SPPS Apps/Google Drive. Yuav tshuav chaw hauv lub iPad, tiam sis nws yuav TSIS muab theej cia. Nws yog nej lub luag hauj lwm saib xyuas kom nej cov ntaub ntawv tsis txhob ploj yog tias nej lub iPad puas los sis lwm tau tej yam yuam kev. iPad tsis ua hauj lwm tsis yog ib qho keb uas yuav zam txim tau rau txoj kev tsis xa dej num rau xib hwb.

KUV PUAS LUAM TAU HAUV LUB IPAD MUS?

Koj luam tau hauv lub iPad mus, tiam sis xav kom tub ntxhais kawm ntawv siv SPPS Apps/Google Drive kom xib hwb pom lawv cov ntaub ntawv thiab muab khaws cia nrog tus xib hwb raws li ua tau. Qhov nov yog ib qho uas yuav txhawb tau tub ntxhais kawm ntawv kev npaj kom txhij rau khaj lej/hauj lwm thiab yuav pab tsev kawm ntawv txuag tau ntawv.

THAUM MUAB LUB IPAD MUS KHO LAWD YUAV UA LI CAS?

Mam li qiv ib lub iPad rau tub ntxhais kawm ntawv los sis hloov ib lub rau yog tias koj leej twg lub iPad mus kho lawm. Yog muab ib lub tuaj hloov tsis ncau sij hawm, tus xib hwb mam cia tub ntxhais kawm ntawv ua nws cov ntawv tsis tas siv lub iPad.

KUV MUAJ IPAD LAWM. KUV PUAS YUAV TSUM SIV TSEV KAWM NTAWV LUB?

Yuav tsum siv. Cov tub ntxhais kawm ntawv yuav tsum siv tsev kawm ntawv lub iPad vim yuav thau tej kev qhia hauv lub iPad ntawd koj los kawm hauv chav kawm ntawv.

IPADS THIAB KEV TAWM MUS KAWM SAB NRAUD

Cov tub ntxhais kawm ntawv yuav nqa tau SPPS cov iPads nrog lawv thaum lawv tawm mus kawm sab nraud nyob rau cov nroog nyob ib ncig, yog tias tus xib hwb tso cai. Yog tias cov tub ntxhais kawm ntawv yuav tawm mus kawm sab nraud ntev, lawv yuav nqa tsis tau SPPS cov iPads mus, tsuas ntshe ho tau kev tso cai tshwj xeeb nkaus xwb. Txawm li ntawd los cov tub ntxhais kawm ntawv lub luag hauj lwm yog yuav tsum saib xyuas kev ruaj ntseg ntawm lub iPad thiab yuav tsum xa rov qab yam tsis muaj teeb meem dab tsi. Raws li cov lus cog tseg nrog Apple thaum qiv cov iPads, tub ntxhais kawm ntawv yuav nqa tsis tau cov iPads no tawm teb chaws.

KEV SIV LUB IPAD HAUV TSEV KAWM NTAWV

KEV SIV IPAD HAUV TSEV

Cov tub ntxhais nyob qib 6 txog 12 muaj peev xwm nqa tau lawv lub iPad mus ua ntawv tom tsev. Txhua yam kev siv hauv koog tsev kawm ntawv lub iPad, tub ntxhais kawm ntawv yuav tsum tau siv raws li Cov Kev Qhia uas Txuas Yuav Tau los Siv Cov Technology (Guidelines for Acceptable Use of Technology by Students). Cov lus qhia muaj nyob hauv <http://it.spps.org/policies/guidelines-for-acceptable-use>.

Cov tub ntxhais kawm ntawv muaj peev xwm txuas tau koog tsev kawm ntawv lub iPad rau wireless internet, tiam sis yuav tsum siv txhua yam raws li koog tsev kawm ntawv txoj cai.

COV APPS HAUV LUB IPAD

KUV TSO TAU COV APPS TWG RAU KUV LUB IPAD?

Txhua yam apps uas yuav rub los rau hauv iPad yuav tsum ua raws cov kev qhia Guidelines for Acceptable Use of Technology by Students, thiab lwm txoj cai hauv koog tsev kawm ntawv. Cov tub ntxhais kawm ntawv muaj peev xwm rub tau cov apps hauv SPPS App Store tso rau iPad los ntawm kev siv qhov Self Service app hauv lub iPad. Txwv tsis pub cov tub ntxhais kawm ntawv rub cov apps hauv lwm cov websites los sis app stores tso rau hauv lub iPad. Tsoom Fwv Tsev Kawm Ntawv Nroog Xees Phos muaj cai tshem tej qhov app uas tsis raug cai thiab/los sis tub ntxhais kawm ntawv cov apps uas noj cov chaw uas yuav tseg siv rau kev kawm.

Cov tub ntxhais kawm ntawv uas mus rub cov apps lwm qhov los uas tsis yog SPPS App Store mas yuav raug qhuab qhia raws li tau teev tseg nyob rau hauv phau ntawv Rights and Responsibilities Student Behavior Handbook.

SPPS APP STORE: YUAV XAIV COV APPS LI CAS RAU TUB NTXHAIKAWM NTAWV SIV?

SPPS yuav cia tub ntxhais kawm ntawv nkag tau mus rau pua pua cov apps hauv peb lub app store, los ntawm kev siv qhov Self Service. Cov apps uas SPPS tso cai rau tub ntxhais kawm ntawv siv yog cov:

- Muaj kev kawm puv ntoob thiab haum siab.
- Tsim nyog rau lub tsev kawm ntawv qib PreK-12.
- Muaj kev tswj thiab txheej txheem mus los uas siv tau yooj yim.
- Tsis muaj tshaj muag khoom ntau ntau.
- Txhawb nqa SPPS txoj cai saib xyuas kom txhua haiv neeg tau txais kev pab raws li qhov lawv xav tau.
- Muaj txoj cai uas txwv tsis pub siv tej yam ntau ntawv qhia txog tus tub ntxhais kawm ntawv.

Koog tsev kawm ntawv muaj cov apps thiab websites uas lawv pom zoo siv thiab lawv cov cai tswj uas tsis pub qhia tej yam tawm nyob online ntawm <http://www.spps.org/personalizedlearning>. Yog muaj lus nug txog cov apps thiab websites no, nug mus rau chaw Office of Teaching and Learning ntawm otl@spps.org.

COV APPS HAUV LUB IPAD

KHO COV SOFTWA RE THIAB KAB KE UA HAUV LWM HAUV LUB IPAD


Zaum puav, yuav tau kho cov apps thiab kab ke ua hauv lwm hauv lub iPad kom lub iPad thiab cov apps ua hauv lwm zoo thiab ruaj khov. Thaum twg tub ntxhais kawm ntawv yuav dhos app los sis tej kab ke ua hauv lwm rau hauv iPad, lawv yuav tsum ua raws koog tsev kawm ntawv txoj kev qhia.

COV KHOOM SIV HAUV LUB IPAD TISIS MUAJ ZAIS

Cov iPads yog koog tsev kawm ntawv li. Cov xib fwb thiab thawj coj yeej muaj feem nkag internet mus saib cov koj ua dhau los (history), duab, thiab lwm yam hauv lub iPad txhua lub sij hawm. Thaum twg cov neeg ua hauv lwm hauv koog tsev kawm ntawv hais ces cov tub ntxhais kawm ntawv yuav tsum tsis txhob liaj lawv lub iPad. Yog leej twg tseem liaj thiab ces nws yuav raug txiav txim raws li txoj cai cwj pwm hauv phau ntawv Rights and Responsibilities Student Behavior Handbook.

TSIS TAU CAI HLOOV TEJ KAB KE UA HAUV LWM; UA KWS RAU COV IPADS

SPPS txhua lub iPads yuav raug nyob ib qho ntsuam xyuas tuaj tsis tu ncuva kom paub tias tej kev ruaj ntseg uas tau teeb rau hauv tsis raug hloov los sis lwv tawm. Yog tus tub ntxhais kawm ntawv twg nkag mus kov tej khoom sab hauv lub iPad, rub app tso rau hauv kom hloov tej kab ke hauv, los sis muab tej yam uas tsev kawm ntawv teeb tau (settings) hloov, nws yuav raug txiav txim raws li txoj cai cwj pwm rau qhov nws ua nov thiab hauv phau ntawv Rights and Responsibilities Student Behavior Handbook.




DUAB, COV KHOOM SIV THIAB NTAUB NTAWV

KOOB YEES DUAB THIAB LUB TXAIS SUAB

Lub iPad muaj koob yees duab nyob sab tom hauv ntej thiab tom qab thiab lub txais suab, yog li cov tub ntxhais yuav yees tau duab, kaw tau suab thiab yees tau duab mus kev. Txhua yam duab thiab suab uas siv lub iPad nov tsim tau yuav tsum nyob qab tswj hwm ntawm SPPS, lub xeev thiab tsoom fwm txoj cai. Tsuas yees duab, kaw suab los sis yees duab mus kev rau lub caij kawm ntawv thiab thaum xib hwb, thawj coj qhia kom yees thiab kaw los ua ntaub ntawv xwb. Tsis pub yees duab, kaw suab los sis yees duab mus kev ntawm lwm tus yam uas lawv tsis paub los sis tsis tau tso cai.

- **Txwv tu nrho tsis pub siv ib yam twj hluav taws xob (electronic devices) thiab koob yees duab rau hauv chav liaj khoom los yog chav hloov khaub ncaws thiab chav dej li.**
- Tsis pub siv lub koob yees duab yees tej duab tsis raug cai, duab nkauj nraug los sis duab mus kev li.
- Tsis pub siv lub koob yees duab yees yus thiab lwm tus duab los sis sib qhia ub no txog yus thiab lwm tus li.
- Tsis pub siv lub koob yees duab los sis lub txais suab ua rau lwm tus txaj muag, thab plaub, los sis ua kev meem txom rau ib tug twg rau ib seem twg li, nov yog xam tas nrho cov tub ntxhais kawm ntawv, neeg ua dej num los sis lwm tus huv tib si.
- Tsis txhob xa email, tiv duab rau hauv internet, los sis xa duab, xa duab mus kev, los sis kaw lwm tus lub suab yam uas tsis tau lawv daim ntawv tso cai.



SUAB, SUAB PAJ NRUAS THIAB GAMES

Lub suab ntawm nej lub iPad yuav tsum tsis pub nrov txhua lub sij hawm, tsuas ntshe tias tus xib hwb ho hais kom qhib lub suab nrov nrov rau sawv daws ua ntaub ntawv xwb. Tej zaud nej tus xib hwb yuav tso cai rau nej siv lub khwb pob ntseg los sis lub ntsaws pob ntseg los mloog. Yog muaj li nov, nej yuav tau tso lub suab kom yau kom cov nyob ze tsis txhob hnov.

TEJ YAM YUAV TSUM UA THAUM SIV LUB IPAD

iPads yog ib lub twj zoo pab rau txoj kev kawm. SPPS zoo siab muab kom tau ib leeg ib lub iPad rau cov tub ntxhais kawm ntawv siv hauv tsev kawm ntawv. Yuav tsum ua raws li txhua yam uas tau qhia lawd thiaj yuav tau siv lub iPad, thiab tsis pub siv rau qee yam.

RAU COV TUB NTXHAI S KAWM NTAWV YUAV TSUM TXAWJ SIV

Cov tub ntxhais kawm ntawv muaj peev xwm siv tau koog tsev kawm ntawv cov kev pab cuam technology los tsim ntaub ntawv thiab dej num rau kev kawm ntawv, tshawb kawm, npaj rau khaj leb thiab hauj lwm.

Cov tub ntxhais kawm ntawv yuav tsum:

- Ua raws li koog tsev kawm ntawv thiab chav kawm ntawv cov cai, txheej txheem thiab cov lus qhia thaum siv cuab yeej technology.
- Tsis txhob qhia lub username thiab passwords rau leej twg.
- Hwm lwm tus thiab siv cov lus zoo rau lwm tus thaum sib xa lus mus los nrog lwm tus.
- Qhia rau ib tug xib hwb los sis neeg laus ua hauj lwm tam sid, yog nej tau txais ib co lus uas ua rau nej meem txom, los sis nkag yuam kev rau tej yam tsis raug cai, duab, duab mus kev, los sis websites.
- Hwm lwm tus tes dej num thiab tej tswv yim uas yog lwm tus li, thiab tsis pub txhob txwm nyiag sau, ua kom piam, lwm tawm lwm tus tej ntaub ntawv. Cov tub ntxhais yuav tsum qhia kom meej tias tej uas lawv kawm tau ntawd yog los qhov twg los thaum siv tej uas lwm tus nrhiav tau, duab, media, los sis lwm yam uas coj los pab rau lawv tes num.
- Hwm lwm tus tej khoom nraim. Cov tub ntxhais kawm ntawv tsuas siv txhua yam duab yees hauv tsev kawm ntawv, duab mus kev, kev kaw suab rau txoj kev kawm xwb.

TUS CWJ PWM UAS SIV TSIS TAU THIAB KEV SIV

Cov tub ntxhais kawm ntawv yuav tsum tsis txhob siv koog tsev kawm ntawv tej kev pab cuam technology los:

- Nrhiav, tsim, los sis xa tej xwm dag, los sis tsis tseeb; los sis cem, ua kom mob lwm tus, los sis thab lwm tus.
- Nyiag nkag los sis nkag tsis raws cai rau hauv koog tsev kawm ntawv tej kev pab cuam technology.
- Siv, rov rub tawm, ceev tseg, los sis xa tej lus tsis zoo, duab, los sis lwm yam.
- Nyiag, xws li muab los sis qhia cov lus teb rau cov ntawv xeem; nrhiav thiab/los sis sau cov lus teb los sis tej ntaub ntawv hauv internet los sis tej kev pab cuam hauv electronic uas muaj kev pab technology los sis twj siv; theej thiab xa lwm tus tej ntaub ntawv, ub no cuag li uas yog yus li; los sis nrhiav kev nyiag lwm yam hauv electronic.
- Ua txhaum copyright los sis lai xee kev cog lus.
- Nkag mus rau tej qhov tsis raws cai, los sis tej qhov uas thaiv tsis pub nkag rau lub caij kawm ntawv hauv district tej tsev kawm ntawv thiab ciam.
- Sib qhia los sis tiv ub no txog lawv tus kheej los sis lwm tus kom tib neeg nrhiav tau lawv los sis sau ntawv thiab hu tau rau lawv. Tej nov xam tas nrho chaw nyob email, lub npe thiab xeem, chaw nyob tom tsev los sis tsev kawm ntawv, xov tooj, niam txiv los sis cov saib xyuas npe, los sis tsev kawm ntawv npe.
- Hloov tej kab ke ua hauj lwm, ntxiv kev txwv, thau tej kev ruaj ntseg, los sis rhuav tshem koog tsev kawm ntawv tej kev pab cuam technology.
- Tso lwm cov apps rau hauv uas tsis yog cov tso cai los ntawm Tsoom Fwv Tsev Kawm Ntawv Nroog Xees Phos.

TEJ YAM YUAV TSUM UA THAUM SIV LUB IPAD

RAU COV NIAM TXIV THIAB SAIB XYUAS

Raws li SPPS Cov Lus Cog Tseg Rau Tub Ntxhais Siv Technology, niam txiv thiab cov saib xyuas lub luag hauj lwm yog yuav tsum tswj lawv cov me nyuam txoj kev siv internet thiab nkag rau hauv koog tsev kawm ntawv tej kev pab cuam technology xws li iPad, tus email uas koog tsev kawm ntawv muab rau, kev kawm online, cov twj collaboration, thiab tej kev kawm. Niam txiv yuav tsum qhia kom meej tias tsuas siv tau cov twj hluav taws xob nov rau tej qhov raug cai li cas xwb thiab tsis txhob siv ntau ntau rau tej uas tsis yog kev kawm ntawv. Yog nej cov me nyuam tsis ua raws li hais, nej muaj feem txeeb lub iPad cia tsis txhob pub lawv siv heev heev tom tsev. Cov lus qhia hauv nov yuav pab kom nej paub tias yuav cia siv npaum li cas xwb thiab tswj me nyuam txoj kev siv lub iPad.

PUB SIV TXIJ TWG XWB

Npaj thiab hais kom meej rau me nyuam tias tsuas siv tau lub iPad txij twg xwb. Cov lus qhia Common Sense Media Family Agreement muaj cov kev kom yus txawj nrog me nyuam tham raws li lawv lub hnub nyoog kom muaj kev thaj tsob txog kev siv media thiab technology. Qhov nov muaj txhij nyob rau hauv <http://goo.gl/Q9Ysbu>.

TSWJ THIAB PUB SIV THAUM TWG XWB

Lub iPad yog ib lub twj zoo rau txoj kev kawm, tiam sis kuj muaj feem tsim kev meem txom thiab. Cov laus txoj kev pab saib xyuas thiab qhia kom siv li cas xwb tseem ceeb heev.

- Kom me nyuam siv lub iPad rau ib qhov chaw hauv plawv xws li hauv chav ua noj, los sis chav nyob kom nej pab tswj thiab saib xyuas tau yooj yim.
- Npaj tej qhov kom me nyuam yuav tsum ua ntaub ntawv tiav tso nws mam nkag internet, tua games, los sis mloog suab paj nruas.

LIM TEJ QHOV UAS YUAV NKAG MUS

Thaum lub iPad nyob hauv tsev kawm ntawv thiab siv koog tsev kawm ntawv li network, kuj muaj kev lim txoj kev siv Internet thiab thaiv tej qhov uas tsis raug cai nkag raws li yuav tsum tau muaj los ntawm Children's Internet Protection Act (CIPA). Txawm lav tsis tau hais tias qhov kev lim no yuav thaiv tau txhua qhov uas tsis tsim nyog nkag los cov xib hwb thiab neeg ua dej num yeej saib nraim tub ntxhais kawm ntawv txoj kev siv internet lub sij hawm thaum kawm ntawv.

SPPS siv ib qhov twj lim kev nkag internet tshiab hu ua iBoss, uas muaj kev thaiv tej uas muaj tej yam tsis zoo kom tub ntxhais kawm ntawv txhob siv tau SPPS cov iPads nkag mus, txawm yuav yog siv internet tom tsev los sis tej chaw uas muaj WiFi. Qhov nov yuav thaiv tej yam uas tub ntxhais kawm ntawv tsis tsim nyog nkag thiab cov social media websites xws li Facebook, Snapchat los sis Instagram. Txhua yam kev nkag hauv internet los ntawm kev siv SPPS cov twj mas yuav raug soj ntsuam thiab nkag mus saib, tiam sis iBoss yuav tsis cuam tshuam lwm yam twj uas siv WiFi hauv tsev los sis sab nraud. Txawm li no los cov niam txiv yuav tsum tau saib nraim lawv cov me nyuam txoj kev siv internet txuas ntxiv mus.

TSWJ TUB NTXHAIS KAWM NTAWV TXOJ KEV KAWM

SPPS xav kom niam txiv thiab cov saib xyuas siv lub iPad tswj lawv cov me nyuam txoj kev kawm ntawv thiab nrog me nyuam cov xib hwb sib txuas lus. Hais kom me nyuam qhia seb lawv siv lub iPad los kawm thiab tsim tau dab tsi, thiab tham seb lawv siv lub iPad li cas tom tsev kawm ntawv.

Muaj Infinite Campus Mobile App thiab Schoology App rau cov niam txiv siv saib me nyuam tej ntaub ntawv thiab qhab nia. Yog xav paub ntxiv txog kev siv cov apps no, thov nrog nej tus me nyuam lub tsev kawm ntawv tham.

Kev Sib Txuas Lus Hauv Email

Niam txiv siv tau qhov Safari browser app nkag mus rau hauv lawv tus email account thiab xa email mus rau lawv tus me nyuam tus xib hwb. Niam txiv thiab cov saib xyuas yuav tsum tsis txhob qhib dua ib tug email account rau lawv ntxiv rau hauv lub iPad qhov built-in Mail app vim leej twg nkag rau hauv lub iPad ces yooj yim pom tus email nov.

IPAD, LUB PLHAUB, TXOJ HLUA THIAB LUB POB NTXIG HLUAV TAWS XOB PIAM, PAWV LOS SIS RAUG NYIAG



APPLECARE+

Yog nej muaj lus nug txog kev siv lub iPad, txuas rau wireless networks, los sis siv Apple cov apps xws li Keynote, Zauv, los sis Phab (Pages), hu rau AppleCare tus xov tooj nyob ntawm daim ntawv tom qab nej lub iPad. AppleCare lub sij hawm pab yog hnuv Monday txog Friday thaum 6 teev sawv ntxov txog 8 teev tsaus ntuj thiab 8 teev sawv ntxov txog 8 teev tsaus ntuj rau hnuv Saturday thiab Sunday.

IPADS, LUB PLHAUB, TXOJ HLUA THIAB LUB POB NTXIG HLUAV TAWS XOB PIAM THIAB TISIS UA HAUJ LWM

Tsis txhob mus kov cov xaim hluav taws xob sab hauv los sis sim kho lub iPad. Yog lub iPad tsis ua hauj lwm los sis piam lawm, hais rau nej tus xib hwb los sis cov ua hauj lwm hauv tsev kawm ntawv kom qhia qhov teeb meem mus rau hauv Service Desk sai li sai tau. Cov neeg tom Service Desk yog cov yuav txiav txim siab txog ntawm kev kho/hloov lub iPad. Yog nej lub iPad tsis ua hauj lwm rau thaum uas tsis nyob hauv tsev kawm ntawv, nej yuav tau tos thaum rov tuaj kawm ntawv tso mam qhia rau xib hwb.

IPAD, LUB PLHAUB, TXOJ HLUA THIAB LUB POB NTXIG HLUAV TAWS XOB PAWV LOS SIS RAUG NYIAG LAW

Yog lub iPad pawv los sis raug nyiag lawm, hais rau hauv hoob kas tsev kawm ntawv sai li sai tau. Cov neeg ua hauj lwm mam li pab nej ua ntawv xa mus rau Service Desk.

Cov tub ntxhais kawm ntawv uas kawm tiav ua ntej, tawm ntawv, raug ntiab tawm ntawv, los sis tsis pub kawm rau hauv Tsoom Fwv Tsev Kawm Ntawv Nroog Xees Phos rau ib yam dab tsi, yuav tau xa koog tsev kawm ntawv lub iPad, lub plhaub, lub ntaus ntawv los yog keyboard (yog kawm rau qib 6-12), txoj hlua txuas, thiab txoj cable zoo log rov mus rau hauv hoob kas ntawm lawv lub tsev kawm ntawv ua ntej los sis rau hnuv lawv tawm ntawv. Yog tsis xa koog tsev kawm ntawv tej khoom rov qab los sis them nyiaj vim pawv, raug nyiag los sis piam lawm, yuav raug foob raws cai li hauv 506.02 Compensation for Lost and Damaged School Property.

Yog ua lub iPad, lub plhaub, txoj hlua sam roj, thiab/los sis lub pob ntxig hluav taws xob pawv lawm, tej zaum tus tub ntxhais kawm ntawv thiab nws tsev neeg yuav tau pab them nyiaj yuav dua ib lub tshiab.



LUB TXIM RAU QHOV COJ TUS CWJ PWM UAS SIV TISIS TAU THAUM SIV IPAD

Tsoom Fwv Tsev Kawm Ntawv Nroog Xees Phos (SPPS) phau ntawv Student Rights and Responsibilities Handbook muaj cov txheej txheem qhia txog kev cheem pab thiab cov txim uas yuav siv thaum cov tub ntxhais kawm ntawv coj tus cwj pwm uas siv tisis tau. Cov kev cai no los peb kuj siv rau kev siv iPad thiab.

Tag nrho cov tub ntxhais kawm ntawv yeej muaj lub cib fim siv iPad los txhawb txoj kev kawm raws tus kheej lub peev xwm thaum lub sij hawm kawm ntawv. Tej zaum cov tub ntxhais kawm ntawv yuav muaj lub cib fim nqa tau lawv lub iPad mus siv tom tsev, nyob ntawm seb lawv lub hnuv nyoog muaj pes tsawg xyoo thiab xav tau kev pab dab tsi. Cov tub ntxhais kawm ntawv uas tisis siv iPads raws li SPPS txoj cai mas yuav tisis pub siv iPad lawm thiab yuav raug txim raws li qhov uas nws tau ua txhaum, thiab yuav tau mus kawm ib hoob qhia txog kev siv iPad ntxiv.

Raws li teev tseg nyob rau hauv phau ntawv Student Rights and Responsibilities Handbook, kev siv hauv paus tsev kawm ntawv tej cuab yeej technology rau tej yam uas tisis pub siv, xam tas nrho kev siv e-mail thiab Internet tib si, mas yuav raug ib los sis ntau qhov txim li nram no: raug ncuu kawm ntawv, tisis pub nqa iPad mus siv tom tsev, raug qhuab qhia raws li tsev kawm ntawv txoj cai thiab tus txheej txheem, los sis raug them los sis txhaum plaub raws li txoj cai hauv lub xeev no.

Kev Txhaum Theem 1

Cov neeg ua dej num hauv tsev kawm ntawv yog cov yuav los saib xyuas txog ntawm qhov kev cheem pab rau theem 1 no yog hais tias ib tug tub ntxhais kawm ntawv twg ua txhaum me los sis tisis tau ua txhaum yav tas los li. Cov neeg ua dej num yuav qhia qhov yog rau cov tub ntxhais kawm ntawv, yuav qhia kom lawv coj tau cwj pwm zoo lawv thiaj yuav kawm tau ntawv thiab lawv thiaj yuav txawj coj tus cwj pwm nyab xeeb thiab txawj sib hwm.

Tej yam ua piv txwv txog kev siv iPad txhaum theem 1 yog xam tas nrho:

- tisis rau siab kawm los sis ua ntawv, siv lwm cov apps uas tisis yog cov yuav tsum tau siv los pab txoj kev kawm;
- tisis txuag lub iPad;
- siv lub koob yees duab mus yees lwm tus neeg li duab yam tisis tau kev tso cai;
- airdropping yam tisis tau kev tso cai; los sis
- khib lav los yog nyiag siv luag li ntawv los sis tswv yim.

Kev Txhaum Theem 2

Kev txhaum theem 2, tus me nyuam yuav raug cheem pab los sis qhuab ntuas los ntawm tsev kawm ntawv cov thawj coj. Cov kev cheem pab thiab qhuab ntuas no yog yuav qhia kom tus me nyuam yuav tau hloov cwj pwm tiag tiag thiab cia nws kawm nws ntawv. Nco ntsoov: Kev ua txhaum loj los sis rov ua txhaum dua tej yam uas nws twb tau ua txhaum los lawd, yuav raug rau txim rau theem kev txhaum loj zog.

Tej yam ua piv txwv txog kev siv iPad txhaum theem 2 yog xam tas nrho:

- rov ua txhaum dua tej yam uas nws twb tau ua txhaum los lawd tom qab raug cheem pab thiab kho tas;
- xa los yog tso tawm tej yam ntawv los sis duab tisis zoo txog lwm tus los sis ua mob lwm tus;
- hloov tej kab kev ua hauj lwm hauv lub iPad yam tisis tau kev tso cai.

LUB TXIM RAU QHOV COJ TUS CWJ PWM UAS SIV TSIS TAU THAUM SIV IPAD

Kev Txhaum Theem 3

Kev txhaum theem 3 tej zaum yuav raug tawm tsev kawm ntawv ib nrab hnuv los sis ib hnuv hlo. Nco ntsoov: Kev ua txhaum loj los sis rov ua txhaum dua tej yam uas nws twb tau ua txhaum los lawd, yuav raug rau txim rau theem kev txhaum loj zog.

Tej yam ua piv txwv txog kev siv iPad txhaum theem 3 yog xam tas nrho:

- txhob txwm ua kom lub iPad piam;
- pheej siv lub iPad los mus thab lwm tus los sis khib lav; los sis
- ua lwm yam uas txhaum koog tsev kawm ntawv cov kev cai siv technology.

Kev Txhaum Theem 4

Kev txhaum theem plaub mas tus tub ntxhais kawm ntawv yuav raug muab ncuva kev kawm ntawv thiab tej zaum yuav ceeb toom rau tub ceev xwm. Qhov ncuva kev kawm ntawv yog yuav muab tshem tawm hauv tsev kawm ntawv mus ntev tshaj li ib hnuv. Nco ntsoov: Kev ua txhaum loj los sis rov ua txhaum dua tej yam uas nws twb tau ua txhaum los lawd, yuav raug rau txim rau theem kev txhaum loj zog. Ib qho ua piv txwv txog kev siv iPad txhaum theem 4 yog txhob txwm nkag mus ua kom koog tsev kawm ntawv tej kab ke technology los yog cov ntaub ntawv puas tsuaj.

LUB TXIM UA IPAD PAWV, RAUG NYIAG, LOS SIS TXHOB TXWM UA PIAM

Lub txim uas ib tug tub ntxhais kawm ntawv twg ua nws lub iPad pawv, raug nyiag, los sis txhob txwm muab ua puas yog nws yuav tsis tau nqa lub iPad mus tsev lawm thiab nws yuav tau kawm ib hoob txog kev siv iPad ntxiv. Peb kuj yuav siv lub txim no rau tej yam no thiab xws li, txhob txwm ua daim iav tawg xws li muab cuam los sis ua poob, muab lub hnab los sis lub hnab ev ntawv uas ntim lub iPad fiav, tsuj raug lub iPad; txhob txwm ua kua txeer rau lub iPad, muab lub iPad tsoo lwm tus los sis lwm yam khoom; piam vim tsis muab ntim rau hauv lub plhaub uas koog tsev kawm ntawv muab; kov cov khoom sab hauv lub iPad; los sis hloov tej kab kev ua hauj lwm hauv lub iPad yam tsis tau kev tso cai, uas yog ua kws rau lawm. Xam tej kev ua txoj xaim Lightning-to-USB cable, 12W power adapter, thiab lub plhaub piam tib si.

LUB TXIM RAU QHOV TSIS XA LUB IPAD, LUB PLHAUB, TXOJ HLUA THIAB LUB POB NTXIG HLUAV TAWS XOB ROV QAB, LOS SIS XA ROV QAB TIAM SIS PIAM LAWM

Yog ib tug tub ntxhais kawm ntawv twg tsis xa lub iPad rov qab thaum xyoo tas, los sis thaum nws tawm ntawv, tej zaud nws tsev neeg yuav tau them tag nrho tus nqi ntawm ib lub iPad uas coj los hloov raws li tus txheer txheem uas hais hauv 506.02 -- Compensation for Lost and Damaged District Property. Thaum koj xa lub iPad, koj yuav tsum xa koog tsev kawm ntawv txoj xaim power adapter thiab txoj Lightning-to-USB cable thiab. Yog tsis xa lub iPad, lub plhaub, txoj hlua thiab lub pob ntxig hluav taws xob (cord/charger) rov qab, los sis yog xa tuaj es ib yam khoom twg piam lawm mas yuav tau them tus nqi ntawm yam khoom ntawd. Yog xav paub hais tias ib yam khoom no raug tus nqi pes tsawg, thov mus saib hauv chav Office of Personalized Learning qhov website.

TUB NTXHAI S KAWM NTAWV KEV YEEM LUS SIV TECHNOLOGY

Xees Phos Tsoom Fwv Tsev Kawm Ntawv cia tub ntxhais kawm ntawv nkag tau rau hauv District tej twj kawm ntawv rau txoj kev kawm xwb. Tub ntxhais kawm ntawv yuav tsum ua raws li District txoj cai, tus txheej txheem thiab cov lus qhia thiaj li muaj feem nkag mus rau hauv tej kev kawm. Cov cai thiab lus qhia muaj nyob rau hauv spps.org/personalizedlearning, Kev paub rau cov tsev neeg.

TUB NTXHAI S KAWM NTAWV KEV YEEM LUS

KUV YUAV MUAJ KEV THAJ TSOB

- Kuv yuav cia kuv lub iPad rau hauv District lub hnab thiab tsis pub lo los sis sau ntawv rau lub iPad.
- Rau qib 6-12, kuv yuav tsis daws daim keyboard thiab muab lub hnab ntim thaum tsis siv lub iPad.
- Kuv yuav cia District cov ntawv lo twj ywm, xam daim ntawv uas lo kuv lub npe tib si.
- Kuv yuav txuag kuv lub iPad es siv tej daim ntaub qhuav thiab mos mos los so thiab muab cia rau tej qhov chaw uas tsis txhob kub kub los sis txias txias.
- Kuv yuav nco ntsoov kuv lub iPad thiab tsis muab rau leej twg.
- Kuv yuav nco ntsoov sam kom lub roj hauv kuv lub iPad puv nkaus.
- Kuv tsuas siv raws li District kab ke siv thiab kev ruaj ntseg xwb.
- Kuv yuav tsis siv technology mus nkag rau tej qhov uas tsis tau cai nkag los sis nkag rau hauv District tej kev siv technology uas tsis raug cai.
- Kuv yuav ua raws li txoj cai copyright.
- Kuv yuav tsis siv District cov technology mus nyiag kev ua ntaub ntawv.

KUV YUAV MUAJ KEV THAJ YEEB

- Yog kuv nqa tau kuv lub iPad mus tsev, kuv yuav cia lub iPad rau hauv kuv lub tsev kawm ntawv lub hnab los sis lub hnab ev ntawv thaum mus kawm ntawv thiab los tsev, thaum tos npav los sis tos tsheb ciav hlau, los sis tos npav hauv zos.
- Kuv yuav tiv thaiv kuv tej ntaub ntawv, xam kuv lub username thiab tus password tib si.
- Kuv yuav qhia rau ib tug xib hwb los sis ib tug laus ua hauj lwm tam sid yog tias kuv tau txais tej kev txuas lus hauv hluav taws xob uas ua rau kuv tsis kaj siab, los sis nkag yuam kev mus rau hauv tej qhov uas tsis raug cai.

KUV YUAV MUAJ KEV SIB HWM

- Kuv yuav siv cov yog ncauj yog lus li hauv tsev kawm ntawv, yeeb yaj kiab, duab los sis lwm yam kev pom hauv District cov technology.
- Kuv tsuas nkag thiab sib qhia tej ntaub ntawv uas raug cai, tseeb, thiab tsis txhob ua rau lwm hom neeg tsiv siab los sis tej yam uas ua rau txiv neej los sis poj niam tsiv siab.
- Kuv yuav tsis siv District cov technology mus thab, hawv, hais lus mob, los sis tham lus dag txog lwm tus.
- Kuv yuav nug kev tso cai ua ntej yees los sis sib qhia duab thiab yeeb yaj kiab thiab yuav tsis siv lub iPad lub koob yees duab rau tej qhov chaw uas tsis pub yees duab.

Tub Ntxhais Kawm Ntawv: Kos npe rau hauv qab nov yog kuv yeem lus rau cov ntawv nov lawm. Kuv to taub tias kuv kev siv cov network resources, District-issued devices, email, thiab software application accounts yog siv raws cai thiaj li tau siv xwb. Kuv to taub tias yog tsis ua raws li cov lus yeem tseg nov ces yuav raug kev qhuab ntuas.

Tub ntxhais kawm ntawv npe: _____ **Tub ntxhais kawm ntawv tus ID#:** _____

Tub ntxhais kawm ntawv kos npe: _____ **Hnub tim:** _____

TUB NTXHAIS KAWM NTAWV KEV YEEM LUS SIV TECHNOLOGY

KEV QHIA RAU NIAM TXIV/COV SIAB XYUAS

KEV SIV COV APPS THIAB WEB-BASED SERVICES

Xees Phos Tsoom Fwv Tsev kawm Ntawv (SPPS) siv cov apps thiab web-based services los ntawm tus neeg thib peb los pub rau tub ntxhais kawm ntawv nkag tau rau txoj kev txuas lus online thiab sib koom tes thiab lwm seem kev qhia thiab ntaub ntawv. Lub District cog lus nrog tej lub chaw hauj lwm siv lawv cov software uas pab tswj tau tub ntxhais kawm ntawv cov ntaub ntawv. Tej ntaub ntawv nov yog SPPS li thiab muab cia/tswj raws li kev cog lus nrog tus neeg thib peb qhov chaw cia.

SPPS siv lwm qhov apps hauv iPad thiab websites los txhawb lub hom phiaj ntawm ntau seem kev qhia. Ib txhia twj siv no yuav tau nkag-mus (log-ins) kom lwm hnub tub ntxhais kawm ntawv thiaj rov mus tau rau qhov chaw qub mus saib ntaub ntawv pab rau txoj kev kawm. Cov ntaub ntawv txog tus kheej uas teev cia hauv cov sites no tsuas yog tub ntxhais kawm ntawv lub npe nkag thiab tus password, thiab cov dej num uas tub ntxhais kawm ntawv uas ntawm qhov chaw ntawd xwb. Lub District teev ib cov apps thiab websites thiab kev cai qhia txog kev siv nyob online ntawm spps.org/personalizedlearning. Yog muaj lus nug thiab txhawj txog cov apps nov, hais mus rau: otl@spps.org los sis 651.767.8139.

LIM INTERNET

Lub District qhib txoj kev rau tub ntxhais nkag mus nrhiav kev kawm hauv internet. Lub District siv twj lim kev mus siv internet raws li txoj kev tiv thaiv me nyuam Children's Internet Protection Act (CIPA) rau lub sij hawm uas tub ntxhais nyob rau hauv tsev kawm ntawv kom lawv tsis txhob nkag mus rau tej qhov uas tsis zoo. Nws kuj tiv thaiv tau SPPS cov iPads thaum tawm hauv tsev kawm ntawv mus siv sab nraud lawm thiab, xws li tom tsev los sis tej WiFi network uas tsis yog SPPS li.

Tawm hauv tsev kawm ntawv mus lawm ces yog niam txiv/cov saib xyuas li kev thaj tsob qhia txog txoj kev siv internet rau me nyuam tib yam li thaum qhia lawv saib TV, mloog xov tooj cua, saib yeeb yaj kiab, thiab lwm yam uas tsis zoo. Cov niam txiv/saib xyuas muaj kev thaj tsob rau me nyuam kev siv internet thiab nkag mus rau hauv District tej twj siv rau kev kawm.

COV NIAM TXIV/SAIB XYUAS MUAJ FEEM

Cov niam txiv/saib xyuas muaj feem saib tej uas me nyuam muaj rau hauv hluav taws xob thiab e-mail txhua lub sij hawm. Cov niam txiv/saib xyuas muaj feem hais kom txiav me nyuam txoj kev nkag mus rau hauv nws tus account. Yog xav paub ntxiv thiab xav tau ib daim ntawv sau tsis tso cai rau kev siv twj technology rau qib PreK-12, nug mus rau nej tus me nyuam lub tsev kawm ntawv los sis mus saib hauv spps.org/policies/guidelines-for-acceptable-use.

Niam txiv/saib xyuas: Qhov kos npe hauv qab nov, kuv lees paub tias kuv tau saib cov ntaub ntawv nov lawm, thiab kuv tso cai rau kuv tus me nyuam txais ib lub iPad, siv District cov twj kawm ntawv, thiab nkag internet. Thiab kuv to taub tias kuv muaj cai sau ntawv thim kuv cov lus tso cai nov thaum twg los tau.

Niam txiv/saib xyuas kos npe: _____ **Hnub tim:** _____

LWM YAM KEV PAB CUAM

KOOG TSEV KAWM NTAWV COV CAI TXOG KEV SIV TECHNOLOGY

Tsoom Fwv Tsev Kawm Ntawv Nroog Xees Phos muab kev nkag rau hauv koog tsev kawm ntawv cov kev pab cuam rau txoj kev kawm xwb. Yog leej twg ua tej yam tsis zoo los sis tsis raws cai ces yuav tsis pub tus ntawd nkag tau lawm.

Yog tsis ua raws li cov cai los sis kev qhia siv iPad ces yuav plam tsis tau siv iPad lawm. Txhua yam kev siv yuav tsum mus raws li cov cai hauv nov:

- Policy 501 Hazing Prohibition
- Policy 505 Bullying Prohibition
- Policy 520 Technology Usage and Safety
- Guidelines for Acceptable Use of Technology by Students
- Policy 506 Student Behavior
- Rights and Responsibilities Handbook

Mus saib cov cai tag nrho hauv http://boe.spps.org/SECTION_V_STUDENTS2.

IPad yog Tsoom Fwv Tsev Kawm Ntawv Nroog Xees Phos li ntiag tug thiab yog ua txhaum cai ces yuav muab txeeb rov qab thiab yuav muab los saib thaum twg los tau.

COV CHAW PAB CUAM TAWM TSWV YIM

Lub caij uas tsim phau ntawv nov, Tsoom Fwv Tsev Kawm Ntawv Nroog Xees Phos tau mus nug tswv yim ntawm cov websites, phau ntawv thiab thawj koj hauv cov koog tsev kawm ntawv nram qab no los:

Becker Public Schools
 Farmington Area Public Schools
 Hopkins Schools
 Minneapolis Public Schools
 Minnetonka Public Schools
 South Washington County Schools
 Spring Lake Park Schools



360 Colborne Street, Saint Paul, Minnesota 55102 | personalizedlearning.spps.org